

Mikroqarz ofertasi namunasi. Ushbu ofertadan O'zbekiston Respublikasi Prezidentining 2026-yil 1-iyundagi "Tadbirkorlik loyihalarini qo'llab-quvvatlash orqali yoshlar bandligini ta'minlashga doir qo'shimcha chora-tadbirlar to'g'risida"gi PQ-210-sonli Qaroriga asosan ajratiladigan mikroqarz bo'yicha Bankning veb-servisi orqali rasmiylashtirilganda foydalaniladi.

**O'zbekiston Respublikasi Prezidentining 2026-yil 1-iyundagi PQ-210-sonli
Qaroriga asosan jismoniy shaxslarga mikroqarz ajratish bo'yicha
OMMAVIY OFERTA**

Mazkur Oferta AT "Aloqabank" (bundan buyon matnda "Bank" deb yuritiladi) tomonidan jismoniy shaxslar bilan "Mikroqarz" shartnomasini (bundan buyon matnda "Shartnoma" deb yuritiladi) tuzish bo'yicha rasmiy taklifi hisoblanadi.

Jismoniy shaxs Oferta shartlari bilan tanishib to'liq va e'tirozsiz aksept qilganidan so'ng Shartnoma tuzilgan deb hisoblanadi.

Qarz oluvchi yuzni skanerlash orqali rasmga tushish yo'li bilan verifikatsiyadan o'tishi hamda uning telefon raqamiga Bank tomonidan jo'natilgan OTP-kodni kiritish orqali tasdiqlashi mazkur Ofertani akseptlash deb baholanadi.

I. ATAMALAR

1.1. Mazkur Ofertada quyidagi tushunchalardan foydalaniladi:

Mikroqarz – Bank tomonidan qaytarishlik, to'lovlilik, muddatlilik va ta'minlanganlik hamda maqsadlilik tamoyillari asosida, milliy valyutada, jismoniy shaxslarga (qarz oluvchilarga), mazkur Ofertada nazarda tutilgan hamda Mikroqarzning individual shartlarida belgilangan shartlar asosida Bank tomonidan qarz oluvchiga taqdim etiladigan ma'lum miqdordagi pul mablag'lari.

Qarz oluvchi – Mikroqarzdin foydalanish istagida bo'lgan, Mikroqarz rasmiylashtirish uchun Bankka ariza taqdim etgan va mazkur Oferta asosida mikroqarz rasmiylashtiruvchi 31 (o'ttiz bir) yoshga to'lmagan jismoniy shaxs yoki o'zini o'zi band qilgan shaxs.

O'zini o'zi band qilgan shaxslar – mehnat daromadi olishga yo'naltirilgan, jismoniy va yuridik shaxslarga xizmatlar ko'rsatish, ishlarni bajarish bo'yicha shaxsiy mehnati bilan ishtirok etishga asoslangan faoliyatni mustaqil amalga oshiradigan, yakka tartibdagi tadbirkorlar sifatida ro'yxatga olinmagan, mehnat staji hisobga olinishi va rag'batlantiruvchi imtiyozlardan foydalanish huquqi bilan davlat soliq xizmati organlarida ro'yxatdan o'tkazilgan jismoniy shaxslar.

Mikroqarz ofertasi – Bank tomonidan tasdiqlangan, Bank tomonidan keng ommaga e'lon qilingan, unda ko'rsatilgan shartlar asosida mikroqarz ajratish bo'yicha taklif;

Mikroqarzning individual shartlari – Qarz oluvchi tomonidan Mikroqarz olishda aks ettiriladigan va tasdiqlangan Bank tomonidan Qarz oluvchi uchun hisoblab chiqilgan ehtimoliy moliyalash summasi doirasida Mijozga mikroqarz taqdim qilishning muayyan shartlari (summasi, muddati, foiz stavkasi va h.k.). Mikroqarzning individual shartlari har bir Qarz oluvchi uchun mazkur Mikroqarz ofertasining 1-ilovasida keltirilgan shaklda tasdiqlanadi.

Kredit arizasi – Qarz oluvchiga Mikroqarz taqdim qilish ehtimolini baholash maqsadida Qarz oluvchi tomonidan (potensial qarz oluvchi tomonidan) Bankka yuboriladigan va Shartnomada nazarda tutilgan shartlarda so‘ralayotgan Mikroqarz to‘g‘risida umumiy axborotni o‘z ichiga olgan hujjat (Bankning mobil ilovasi yoki veb servis orqali tuziladi).

Bank kartasi – tovarlar (ishlar, xizmatlar) uchun to‘lovlarni amalga oshirishda bank karta hisobvarag‘idagi mablag‘lar doirasida tegishli operatsiyalarni amalga oshirish huquqini beruvchi Bank tomonidan emissiya qilingan bank debet kartasi.

Veb servis – Bank tomonidan mikroqarz ajratish uchun foydalaniladigan Bankning elektron dasturiy vositasi.

Mikroqarz bo‘yicha ta‘minot – Mikroqarz summasining 125 (bir yuz yigirma besh) foizidan kam bo‘lmagan summada kredit so‘ndirilmaligi xavfini sug‘urtalash polisi yoki mikroqarz summasining 100 (bir yuz) %dan kam bo‘lmagan summada uchinchi shaxs kafilligi (sug‘urta polisi yoki uchinchi shaxs kafilligi Mikroqarz shartlaridan kelib chiqib belgilanadi).

Aksept – Qarz oluvchining roziligini bildirishga, Mikroqarz olish uchun Bank tomonidan taklif qilingan shartlarni qabul qilishga yo‘naltirilgan harakatlari.

OTP-kod – Mikroqarz olish jarayonida ayrim amaliyotlarni tasdiqlash uchun foydalaniladigan 1 (bir) martalik kod, Bank tomonidan Qarz oluvchining telefon raqamiga SMS-xabar ko‘rinishida jo‘natiladigan bir nechta raqamlar jamlanmasi (*OTP – one time password*).

Verifikatsiya – avval identifikatsiyalangan qarz oluvchining real vaqt rejimida olingan fotosuratini dastlabki identifikatsiya ma‘lumotlari bilan avtomatlashtirilgan holda solishtirish orqali shaxsini tekshirish va tasdiqlash.

Mikroqarzning to‘liq qiymati – Mikroqarz olish bilan bog‘liq to‘lovlarning haqqoniy, yillik va samarali hisoblashdagi foiz stavkasi.

II.SHARTNOMA PREDMETI

2.1.O‘zbekiston Respublikasi Prezidentining 2026-yil 1-iyundagi “Tadbirkorlik loyihalarini qo‘llab-quvvatlash orqali yoshlar bandligini ta‘minlashga doir qo‘shimcha chora-tadbirlar to‘g‘risida”gi PQ-210-sonli Qaroriga asosan Bank 31 (o‘ttiz bir) yoshga to‘lmagan Qarz oluvchiga:

- zamonaviy kasblar, shu jumladan, ijtimoiy tarmoqlar marketingi, mobilografiya, frilanserlik, internet (onlayn) do‘konlar tashkil etish va o‘zini o‘zi band qilish faoliyat turiga mos loyihalarni amalga oshirish,

- kasanachilik, to‘qimachilik mahsulotlarini tayyorlash, tikuvchilik va boshqa mahsulotlarni ikkilamchi qayta ishlash va (yoki) sotish, ulardan yangi mahsulotlar tayyorlash,

- novvoychilik va shirinliklar tayyorlash hamda sotish loyihalarini qo‘llab-quvvatlash maqsadida ushbu Shartnoma shartlarida ko‘zda tutilgan shartlarda qarz ajratish majburiyatini, Qarz oluvchi esa ajratilgan mikroqarz va unga hisoblangan foiz summalarini Shartnomaning **2-ilovasi** bo‘lgan Qarzni qaytarish jadvalida (bundan buyon matnda “**Jadval**” deb yuritiladi) ko‘zda tutilgan muddatlarda qaytarish majburiyatini o‘z zimmlariga oladi.

III. UMUMIY QOIDALAR

3.1. Mikroqarz Qarz oluvchining skoring tahlili natijasidan kelib chiqqan holda lekin Bank tomonidan belgilangan mikroqarzning maksimal miqdoridan oshmagan miqdorda ajratiladi.

3.2. Mikroqarz Qarz oluvchining Kredit arizasida ko'rsatilgan, lekin **7 (yetti) yildan oshmagan** muddatga ajratiladi.

3.3. Mikroqarz Qarz oluvchining nomiga ushbu mikroqarz mablag'i o'tkazib berilishi uchun Bank tomonidan emissiya qilingan bank kartasiga o'tkazib beriladi va shu kundan boshlab Mikroqarz ajratilgan deb tan olinadi.

3.4. Qarz oluvchiga ajratilgan mikroqarz mablag'lari qarz oluvchi tomonidan ariza taqdim qilish jarayonida ko'rsatilgan va Mikroqarzning individual shartlarida belgilangan maqsad(lar) uchun sarflanishi lozim.

3.5. Mikroqarz bo'yicha foiz stavkasi – yillik O'zbekiston Respublikasi Markaziy banki (bundan buyon matnda "Markaziy bank" deb yuritiladi) asosiy stavkasidan 4 (to'rt) foiz bandga yuqori bo'lgan foizni tashkil etadi, ya'ni, ushbu Shartnoma tuzilgan sanada yillik _____ (_____) foiz.

(miqdori) (so'z bilan)

3.6. Mikroqarzning foiz stavkasi Markaziy bankning asosiy stavkasiga bog'liq holda o'zgaruvchan qilib belgilanadi, ya'ni Markaziy bankning asosiy stavkasi pasaytirilgan taqdirda Mikroqarzning foiz stavkasi qonunchilik hujjatlarida belgilangan tartibda mutanosib ravishda kamayadi, oshirilgan taqdirda esa mutanosib ravishda oshiriladi.

3.7. Foizlar mikroqarz ajratilgan kundan boshlab mikroqarzning asosiy qarzni to'liq qaytarilgan kunigacha uning qoldiq summasiga kunlik hisoblab boriladi. Foizlar yiliga 365 (uch yuz oltmish besh) kunlik asosda hisoblanadi.

3.8. Mikroqarzning to'liq qiymati O'zbekiston Respublikasi Adliya vazirligida 2018-yil 2-iyulda 3030-son bilan ro'yxatga olingan "Bank xizmatlari iste'molchilari bilan o'zaro munosabatlarni amalga oshirishda tijorat banklarining faoliyatiga qo'yiladigan minimal talablar to'g'risida"gi Nizomning 1-ilovasiga asosan hisoblanadi va Mikroqarzning individual shartlarida batafsil aks ettiriladi.

3.9. Shartnoma bo'yicha Qarz oluvchi quyidagilarga roziligini bildiradi:

- Mikroqarz olish uchun ariza Qarz oluvchi tomonidan yuborilganligi faktini tasdiqlash uchun, Qarz oluvchi uning shaxsiga doir ma'lumotlarga ishlov berishga hamda Qarz oluvchi nomiga uchinchi shaxslar tomonidan mikroqarz rasmiylashtirishni oldini olish maqsadida shaxsga doir ma'lumotlari olinishiga;

- aloqa vositalaridan foydalangan holda sms/elektron pochta/audio eshittirish/pochta jo'natish, axborot-kommunikatsiya xizmatlari orqali pochta jo'natmalarini va bildirishnomalarni jo'natishga;

- Davlat personallashtirish markazidan olingan shaxsiy ma'lumotlarini qayta ishlashga hamda kredit byurolari, soliq organlari uy-joy kommunal xizmatlari, uyali aloqa operatorlari, protsessing markazlari ("Uzcard", "Humo" va boshqalar) tijorat banklari va boshqa tashqi manbalardan shaxsiy ma'lumotlardan foydalangan holda ma'lumotlarni olishga;

- to'lovlar o'z vaqtida amalga oshirilmaganda Bank tomonidan muddati o'tgan

qarzdorlikni qoplash uchun zaruriy summalar avtomatik hisobdan chiqarish xizmati orqali yechib olinganda Bankning amaldagi Tarifida nazarda tutilgan miqdorda xizmat haqi undirilishiga;

- Mikroqarz ajratilgandan so'ng Shartnomaning amal qilish muddati davomida Markaziy bankning asosiy stavkasi o'zgargan taqdirda, Mikroqarzning foiz stavkasi ham mutanosib ravishda Bank tomonidan o'zgartirilishiga.

3.10. Shartnoma bo'yicha Qarz oluvchiga ko'rsatilgan va/yoki ko'rsatilayotgan barcha bank xizmatlari uchun Qarz oluvchi amaldagi Bank Tarifida nazarda tutilgan bank xizmat haqini Bankga to'laydi.

3.11. Yangi tahrirdagi tariflarni Bankning rasmiy veb sayti (www.aloqabank.uz)da e'lon qilinishi, Qarz oluvchini bu haqda xabardor qilingan deb hisoblash uchun yetarli bo'ladi va uning shartlari Shartnoma Taraflari uchun majburiy hisoblanadi.

3.12. Qarz oluvchining mikroqarz bo'yicha majburiyatlari mikroqarz ajratish shartlaridan kelib chiqib uchinchi shaxs kafilligi bilan mikroqarzning 100 (bir yuz) % miqdorida yoki kreditning qaytmaslik xataridan sug'urta polisi bilan mikroqarzning 125 (bir yuz yigirma besh) % miqdorida ta'minlanadi.

3.13. Sug'urta mukofoti to'lovi Qarz oluvchining xohishiga ko'ra o'z mablag'lari hisobidan yoki ajratilayotgan mikroqarz hisobidan amalga oshirilishi mumkin. Bunda, Qarz oluvchi sug'urta mukofoti to'lovini amalga oshirish manbasini mikroqarz rasmiylashtirish jarayonida ixtiyoriy belgilaydi, agarda sug'urta mukofoti to'lovi mikroqarz mablag'lari hisobidan amalga oshirilsa, rasmiylashtirilayotgan mikroqarz summasi sug'urta mukofoti to'lovi miqdoriga kam miqdorda Qarz oluvchining bank kartasiga o'tkaziladi. Sug'urta mukofoti Qarz oluvchining o'z mablag'i hisobidan amalga oshirilganda Mikroqarz olish uchun ariza taqdim qilish jarayonida ko'rsatilgan bank kartasidan yechib olinadi.

3.14. Mikroqarz ta'minoti sifatida kreditning qaytmaslik xataridan sug'urta polisi qabul qilingan hollarda, rasmiylashtirilayotgan Mikroqarzning ta'minoti hisoblangan kreditning qaytmaslik xataridan sug'urta polisi onlayn shaklda taqdim etiladi va ushbu polis bank ma'lumotlar bazasida saqlanadi.

3.15. Bank O'zbekiston Respublikasining "Jinoiy faoliyatdan olingan daromadlarni legallashtirishga, terrorizmni moliyalashtirishga va ommaviy qirg'in qurolini tarqatishni moliyalashtirishga qarshi kurashish to'g'risida"gi Qonuni va boshqa qonun hujjatlariga muvofiq, oldindan ogohlantirmasdan Qarz oluvchining barcha operatsiyalarini to'xtatib turishi, pul mablag'larini yoki boshqa mol-mulklarini ishga solmay to'xtatib qo'yishi mumkin.

3.16. O'zbekiston Respublikasi Adliya vazirligida 2025-yil 22-aprelda 3618-son bilan ro'yxatdan olingan "Banklarga o'rnatiladigan makroprudensial normativlar hamda ular tomonidan beriladigan kreditlar (mikroqarzlar) bo'yicha to'lovlarning eng yuqori qiymatlariga doir talablar to'g'risida" Nizom talablariga asosan Qarz oluvchining qarz yuki ko'rsatkichini hisoblash va kredit ajratish o'rtasidagi vaqt oralig'i 3 (uch) ish kunidan oshgan taqdirda Kreditor tomonidan Qarz oluvchining qarz yuki ko'rsatkichi qayta hisoblanadi.

3.17. Qarz oluvchining qarz yuki ko'rsatkichi qayta hisoblanganda qarz yuki ko'rsatkichi belgilangan me'yor talablaridan oshganligi aniqlangan taqdirda qarz yuki

ko'rsatkichi belgilangan me'yor talablari doirasiga tushgunga qadar Kreditor tomonidan Qarz oluvchiga kredit ajratish vaqtinchalik to'xtatib turilishi yoki kredit summasi kamaytirilishi yoki Shartnoma bir tomonlama bekor qilinishi mumkin.

IV.MIKROQARZNI QAYTARISH TARTIBI

4.1. Mikroqarz va unga hisoblangan foizlarni qaytarish Shartnomaning ajralmas qismi hisoblangan to'lov jadvali (2-ilova)ga asosan Mikroqarzning individul shartlarida ko'rsatilgan qaytarish usulida (differensial/annuitet) amalga oshiriladi.

4.2. Foiz to'lovlari bo'yicha imtiyozli davr taqdim qilinganda imtiyozli davr mobaynida hisoblangan foizlar mikroqarzning qolgan muddatiga teng taqsimlagan holda qaytariladi.

4.3. Mikroqarzning har oydagi to'lov sanasi haftaning shanba va yakshanba kunlariga, shuningdek dam olish kuni deb e'lon qilingan bayram kunlariga to'g'ri kelganda to'lov sanasi keyingi ish kuniga ko'chiriladi.

4.4. Mikroqarz bo'yicha qarzдорlikni muddatidan avval qaytarilishiga ruxsat etiladi. Mikroqarzni muddatidan avval qaytarilganligi uchun qo'shimcha to'lovlar undirilmaydi.

4.5. Mikroqarz va unga hisoblangan foizlar bo'yicha qarzдорlikni qaytarish Qarz oluvchining ish haqi, boshqa daromadlari va tushumlaridan mablag'larni o'tkazish orqali, naqd pul kirim qilish orqali, bank kartalaridan mablag'larni o'tkazish orqali, Qarz oluvchining Mikroqarz bo'yicha Bankdagi tranzit hisobvarag'iga o'tkazib berish orqali, avtomatik tarzda bank kartalaridan yechish yo'li orqali hamda infokiosklar, mobil ilovalar yoki boshqa elektron to'lov tizimlari yordamida to'lov qilish orqali amalga oshiriladi.

4.6. Mikroqarz bo'yicha qarzдорlikni qaytarish uchun amalga oshirilgan to'lov summasi Mikroqarz bo'yicha majburiyatlarni bajarish uchun yetarli bo'lmasa, kelib tushgan mablag' quyidagi keltirilgan ketma-ketlikda qarzдорlik summasini qoplash uchun yo'naltiriladi:

- birinchi navbatda – asosiy qarz bo'yicha muddati o'tgan qarzдорlik va muddati o'tgan foiz to'lovlari mutanosib ravishda;
- ikkinchi navbatda – joriy davr uchun hisoblangan foizlar va joriy davr uchun asosiy qarz bo'yicha qarzдорlik;
- uchinchi navbatda – Bankning qarzдорlikni uzish bilan bog'liq bo'lgan boshqa xarajatlari.

4.7. Mikroqarz to'lovi uchun Jadvalda belgilangan sanadan oldin yoki Mikroqarz bo'yicha muddati o'tgan qarzдорlik summasidan ortiqcha mablag' kelib tushsa, birinchi navbatda muddatli asosiy qarzdan tashqari barcha qarzдорliklar (muddati o'tgan asosiy qarz, muddati o'tgan foiz, Bankning qarzдорlikni uzish bilan bog'liq bo'lgan boshqa xarajatlari, joriy davr uchun hisoblangan foizlar, joriy davr uchun asosiy qarz) so'ndiriladi, undan so'ng ortib qolgan mablag'dan navbatdagi to'lov sanasiga qadar hisoblanishi kutilayotgan foiz summasiga teng mablag'ni ushlab qolgan holda ortiqcha qismi Mikroqarzning asosiy qarzini so'ndirishga yo'naltiriladi.

4.8. Qarz oluvchidan Mikroqarzning to'lovi uchun Mikroqarzni qaytarish jadvalida belgilangan summaga nisbatan ko'p mablag' kelib tushsa va kelib tushgan mablag'ning ortiqcha qismini Mikroqarzning asosiy qarzini so'ndirishga yo'naltirilganda Mikroqarzni qaytarish jadvali qayta rasmiylashtirilmaydi.

4.9. Qarz oluvchi tomonidan Mikroqarz va unga hisoblangan foizlar o'z vaqtida qaytarilmaganda Bank Mikroqarz va u bo'yicha hisoblangan foizlarni qonun hujjatlarida belgilangan tartibda qaytarish choralari ko'radi.

V.TARAFLARNING HUQUQ VA MAJBURIYATLARI

5.1. Bankning majburiyatlari:

5.1.1. Shartnomada belgilangan shartlar va miqdor doirasida Qarz oluvchiga pul mablag'larini uning bank kartasiga o'tkazish orqali berish;

5.1.2. Qarz oluvchiga kredit hisobvarag'ini ochish;

5.1.3. Mikroqarzni berishdan butunlay yoki qisman bosh tortgan taqdirda, ushbu Mikroqarz bo'yicha mablag'lar berishni to'xtatib qo'yish to'g'risida qaror qabul qilingan sanadan boshlab keyingi ish kunidan kechiktirmasdan Qarz oluvchiga Mikroqarz berish to'xtatilganligi va uning sabablari yuzasidan Shartnomada ko'rsatilgan aloqa kanallaridan foydalangan holda xabarnoma yuborish;

5.1.4. Mikroqarz muddatidan oldin undiriladigan hollarda bu to'g'risida Qarz oluvchini Shartnomada ko'rsatilgan aloqa kanallaridan foydalangan holda xabardor qilish;

5.1.5. Bank tomonidan Mikroqarz bo'yicha muddati o'tgan qarzдорliklarni so'ndirish uchun Qarz oluvchining bank hisobvarag'i va (yoki) omonatidan (shu jumladan, bank kartalaridan) mablag'lar Qarz oluvchining topshirig'isiz hisobdan chiqarilganda, ushbu mablag' hisobdan chiqarilgan sanadan boshlab keyingi ish kunidan kechiktirmagan holda Qarz oluvchiga uning hisobvarag'idan qancha miqdordagi mablag' qanday sabablarga asosan va kimning foydasiga chiqarilganligini ko'rsatgan holda Shartnomada ko'rsatilgan aloqa kanallari orqali xabarnoma (ma'lumotnoma) yuborish.

5.2. Bankning huquqlari:

5.2.1. Qarz oluvchi tomonidan Mikroqarz bo'yicha o'z majburiyatlarini bajarilishi to'g'risida ma'lumotlarni Kredit byurolari va Kredit ma'lumotlarining davlat reestriga taqdim etish;

5.2.2. Mikroqarz bo'yicha to'lovlar haqida Qarz oluvchiga xabar berish uchun Shartnomada ko'rsatilgan aloqa kanallaridan foydalanish;

5.2.3. Quyidagi holatlarda Qarz oluvchidan Mikroqarzni (shu jumladan, hisoblangan foizlarni) muddatidan oldin qaytarishni talab qilish, undirib olish:

5.2.3.1. Qarz oluvchi tomonidan Shartnoma bo'yicha o'z zimmasiga olgan majburiyatlar bajarilmaganda va/yoki lozim darajada bajarilmaganda;

5.2.3.2. Qarz oluvchi mikroqarz mablag'laridan maqsadsiz foydalanganda;

5.2.3.3. Qarz oluvchi tomonidan yolg'on ma'lumotlar yoki qalbaki hujjatlar taqdim etilganda;

5.2.3.4. Qarz oluvchiga har qanday shaklda jinoyat ishlari yoki fuqarolik ishlari bo'yicha Qarz oluvchining to'lov qobiliyatiga ta'sir qilishi mumkin bo'lgan da'volar qo'zg'atilgan bo'lsa;

5.2.3.5. Bankda ushbu Shartnoma bo'yicha olingan mablag'lardan foydalanish, tasarruf etishda firibgarlik holatlari bilan bog'liq shubhalar mavjud bo'lganda;

5.2.3.6. O'zbekiston Respublikasining amaldagi qonunchiligida nazarda tutilgan boshqa hollarda.

5.2.4. Mikroqarz mablag'larining maqsadli sarflanishi yuzasidan joyiga chiqqan holda monitoring, o'rganish ishlarini amalga oshirish, mikroqarz mablag'lari hisobidan sotib olingan tovar, ish, xizmatlar bo'yicha asoslovchi hujjatlarni Qarz oluvchidan so'rash, talab qilish;

5.2.5. Qarz oluvchining Bankda hamda boshqa banklarda ochilgan har qanday hisobvaraqlaridan, shu jumladan, bank kartalaridan Mikroqarz bo'yicha talablarni qondirish uchun zarur bo'lgan mablag'larni akseptsiz tartibda hisobdan chiqarish (yechib olish);

5.2.6. Qarz oluvchi tomonidan to'lovlar o'z vaqtida amalga oshirilmaganda muddati o'tgan qarzdorlikni qoplash uchun zaruriy summalar avtomatik hisobdan chiqarish xizmati orqali yechib olinganda Bankning amaldagi Tarifida nazarda tutilgan miqdorda xizmat haqi undirish;

5.2.7. Qarz oluvchi tomonidan taqdim etilgan ma'lumotlarni tekshirish yoki qo'shimcha identifikatsiya (shaxsni tekshirish) jarayonini amalga oshirish uchun Shartnomada ko'rsatilgan aloqa kanallari orqali Qarz oluvchi bilan bog'lanish;

5.2.8. Qarz oluvchining to'lov qobiliyatini baholash jarayonida O'zbekiston Respublikasi qonunchiligiga zid bo'lmagan Qarz oluvchi to'g'risidagi har qanday ma'lumotlarni olish va ulardan foydalanish;

5.2.9. Qarz oluvchining telefon raqamlariga, ijtimoiy tarmoqlardagi akkauntlari orqali bog'lanish va ularni yozib olish, Qarz oluvchining Bankka ma'lum bo'lgan manzillariga (rekvizitlariga) ushbu Shartnoma bo'yicha Qarz oluvchining majburiyatlarini bajarish to'g'risida xatlar, elektron pochta xabarlar va SMS-xabarlarini yuborish;

5.2.10. Bank Qarz oluvchi yoki uning operatsiyasi sanksiya ta'sir doirasiga tushganda yoki tushish xavfi mavjud bo'lganda, operatsiya miqdorini chegaralash, operatsiyani cheklash (rad etish);

5.2.11. Qarz oluvchi Shartnoma bo'yicha majburiyatlarini bajarmaganda taqdim qilingan sug'urta polisi bo'yicha Mikroqarz qisman yoki to'liq qoplab berilganda, sug'urta to'voni to'langan to'lov miqdori doirasida Shartnoma bo'yicha regress talab huquqini bir tomonlama Sug'urta qiluvchiga o'tkazish (subrogatsiya);

5.2.12. Mikroqarzning muddati davomida Markaziy bankning asosiy stavkasi o'zgargan taqdirda, Qarz oluvchini ogohlantirgan holda mutanosib ravishda Mikroqarzning foiz stavkasini bir tomonlama o'zgartirish (ya'ni, Mikroqarzdin foydalanganlik uchun Markaziy bankning asosiy stavkasi + 4 (to'rt) foiz stavkada foiz hisoblash).

5.3. Qarz oluvchining majburiyatlari:

5.3.1. Mikroqarz va u bo'yicha hisoblangan foizlarni to'lov jadvaliga asosan o'z vaqtida to'lash;

5.3.2. Olingan Mikroqarzni, Mikroqarzdin foydalanganlik uchun hisoblangan foizlarni va boshqa to'lovlarni mazkur Shartnoma shartlariga muvofiq muddatidan oldin to'lash to'g'risidagi Bankning so'rovini olgandan keyin 3 (uch) ish kuni ichida to'lab berish;

5.3.3. Mikroqarz mablag'larining maqsadli sarflanishini o'rganish bo'yicha Bank xodimlariga monitoring o'tkazilishida imkoniyat, sharoit yaratib berish, mikroqarz mablag'lari hisobidan sotib olingan tovar, ish, xizmatlar bo'yicha asoslovchi hujjatlarni, shuningdek ijtimoiy soliq to'lovi to'langanligi bo'yicha hujjatlarni Bankka taqdim qilish;

5.3.4. Familiyasi yoki ismi, telefon raqami, ro'yxatdan o'tgan manzili, yashash joyi, passport yoki ID karta ma'lumotlari o'zgarganda va Shartnoma bo'yicha majburiyatlarning bajarilishiga ta'sir qiladigan boshqa holatlar haqida 3 (uch) ish kuni ichida Shartnomada belgilangan aloqa kanallari orqali yoki Bankning xizmatlar ko'rsatish markazlariga borgan holda Bankka xabar berish;

5.3.5. O'ziga nisbatan huquqni muhofaza qilish organlari, nazorat qiluvchi organlar yoxud sudlar tomonidan qo'llanilgan yoki qo'llanilayotgan huquqiy ta'sir choralari, iqtisodiy, moliyaviy jarimalar va iqtisodiy, moliyaviy sanksiyalar to'g'risida unga ma'lum bo'lgan kundan boshlab Bankka 2 (ikki) ish kuni ichida xabar berish;

5.3.6. O'zbekiston Respublikasi hududidan tashqariga doimiy yashash uchun chiqib ketayotgan holda Bankka 5 (besh) ish kuni ichida xabar berish;

5.3.7. Tijorat banklarida ochilgan barcha bank hisobvaraqlaridan Shartnoma bo'yicha to'lov majburiyatlarini amalga oshirish uchun zarur summani akseptsiz hisobdan chiqarish to'g'risida haqiqiy, chaqirib olinmaydigan va so'zsiz talab qo'yish huquqini Bankka taqdim etish;

5.3.8. To'lovlar o'z vaqtida amalga oshirilmaganda Bank tomonidan muddati o'tgan qarzдорlikni qoplash uchun zaruriy summalar avtomatik hisobdan chiqarish xizmati orqali Bank tomonidan yechib olinganda Bankning amaldagi Tarifida nazarda tutilgan miqdorda xizmat haqi to'lash;

5.3.9. Mikroqarz ajratish jarayonida texnik yoki boshqa sabablarga ko'ra taqdim etilishi belgilangan mablag'lardan ortiqcha bo'lgan mablag'lar bank kartasida aks ettirilsa Bank mazkur (ortiqcha) mablag'larni Qarz oluvchining har qanday bankda ochilgan bank kartasidan akseptsiz hisobdan chiqarish to'g'risida haqiqiy, chaqirib olinmaydigan va so'zsiz talab qo'yish hamda Mikroqarz mablag'lari o'tkazib berilgan bank kartasiga taqiq yoki talab qo'yish huquqini Bankka taqdim etish;

5.3.10. Mikroqarz ta'minoti sifatida kafilligi qabul qilingan jismoniy shaxs(lar) to'lov qobiliyatini yo'qotgan hollarda (masalan: ishsiz qolganda, vafot etganda, turli sabablarga ko'ra mehnatga layoqatsiz bo'lib qolganda) Qarz oluvchi 10 (o'n) ish kuni ichida mikroqarz ta'minotiga qo'shimcha ravishda likvidli mol-mulk, kafillik yoki qonunchilikda belgilangan boshqa ta'minot turini taqdim etish.

5.4. Qarz oluvchining huquqlari:

5.4.1. Shartnomada ko'rsatilgan shartlarda Mikroqarz berilishini talab qilish;

5.4.2. Shartnoma tuzilgan vaqtdan boshlab pul mablag'lari bank kartasiga tushgunga qadar Mikroqarzni olishdan bepul voz kechish;

5.4.3. Mikroqarzni istalgan vaqtda muddatidan oldin jarima sanksiyalarisiz so'ndirish;

5.4.4. Mikroqarz bo'yicha asosiy qarz va unga hisoblangan foizlarni Bankka to'liq qaytarilgan holda ushbu Shartnomani muddatidan avval bekor qilish.

VI.QARZNI TAN OLISH VA BAHSSIZLIK

6.1. Qarz oluvchi mazkur Shartnoma bo'yicha olingan Mikroqarz summasi, foizlar va boshqa to'lovlar miqdorini to'liq va so'zsiz tan oladi.

6.2. Qarz oluvchi mazkur majburiyatlar mavjudligi hamda ularning miqdori, to'lash muddatlari va hisob-kitob tartibi nizosizligini oldindan tasdiqlaydi.

VII.SUDSIZ UNDIRISH VA IJRO XATI

7.1. Qarz oluvchi mazkur Shartnoma bo'yicha majburiyatlarini belgilangan muddatlarda to'liq yoki qisman bajarmagan taqdirda, Bank Mikroqarz summasini, foizlar va undirish bilan bog'liq boshqa to'lovlarni sudga murojaat qilmasdan, notariusning ijro xati asosida undirishga haqli.

7.2. Qarz oluvchi mazkur Shartnoma bo'yicha qarz undirilishi uchun notarius tomonidan ijro xati chiqarilishiga oldindan, so'zsiz rozilik beradi hamda bu holda sud tartibida undirish talab qilmasligini tasdiqlaydi.

7.3. Undiruvni garovga qo'yilgan mulkka qaratishda sudga murojaat qilinmasdan, notariusning ijro xati asosida amalga oshiriladi.

7.4. Notariusning ijro xatini yozishi uchun qilingan to'lovlar qarzdor tomonidan qoplanadi.

7.5. Qarzdorlik bazaviy hisoblash miqdorining bir ming baravaridan oshganda Mikroqarz mablag'lari qonunchilikda belgilangan tartibda sud orqali undirilishi mumkin.

VIII.MAJBURIYATLARNI BAJARMASLIK HOLATLARI

8.1. Quyidagi hodisalarning har biri majburiyatlarning bajarilmasligi holati hisoblanadi:

8.1.1. Mazkur Mikroqarz ofertasida va ofertaning ajralmas qismi hisoblangan jadvalda belgilangan muddatlarda mikroqarz, foizlar va/yoki boshqa to'lovlar amalga oshirilmaganligi;

8.1.2. Qarz oluvchi tomonidan qasddan bila turib haqiqatga to'g'ri kelmaydigan va haqqoniy bo'lmagan ma'lumotlarni bergan holda Bankni chalg'itish;

8.1.3. Bankning xulosasiga ko'ra, kredit bo'yicha Qarz oluvchi tomonidan Bankka taqdim etilgan ta'minotning qisman yoki to'liq o'z qiymati (kuchi)ni yo'qotganligi;

8.1.4. Qarz oluvchining to'lovga qodirligi yomonlashganligi yoki Shartnoma bo'yicha majburiyatlarning muntazam ravishda bajarilmasligiga olib keladigan aniq axborotning yashirilishi;

8.1.5. Qarz oluvchining Bank oldidagi majburiyatlarining bajarilishiga ta'sir ko'rsatishi mumkin bo'lgan boshqa hodisalar;

8.1.6. Shartnoma shartlarining buzilishi.

IX.MONITORING

9.1. Bank xodimlari Shartnomaning amal qilish muddati davomida bevosita Qarz oluvchining faoliyat yuritayotgan joyida yoki doimiy ro'yxatdan o'tgan manzilida mikroqarz mablag'larining maqsadli ishlatilishini o'rganish yuzasidan tekshirishlarni amalga oshirishi mumkin.

9.2. Qarz oluvchi kredit ajratilganidan so'ng mikroqarz mablag'larining maqsadli ishlatilganligini tasdiqlovchi hujjatlarni (*hisobvaraqa faktura yoki savdo terminalining xarid cheki (slip) yoki shularga tenglashtirilgan boshqa hujjatlar, masalan naqd pulda kassa cheki*) Bankka taqdim etadi va sotib olingan tovarlarning Bank xodimlari tomonidan ko'rishi uchun sharoit yaratadi.

9.3. Quyidagi hollarda mikroqarz mablag'leri **maqsadsiz sarflangan** yoki **maqsadsiz foydalanilgan** deb hisoblaniladi:

9.3.1. Qarz oluvchi tomonidan Bankka taqdim etilgan ma'lumotlarning haqqoniy emasligi aniqlanganda;

9.3.2. Qarz oluvchi Mikroqarz ajratilganidan so'ng Bank xodimlariga mikroqarz mablag'laridan maqsadli foydalanilishini o'rganish bo'yicha monitoringini o'tkazilishida to'sqinlik qilsa yoki sharoit yaratib bermasa;

9.3.3. Qarz oluvchi tomonidan mazkur ofertaning 9.2-bandiga muvofiq tegishli hujjatlar Bankka taqdim etilmasa;

9.3.4. O'tkaziladigan monitoring natijalariga ko'ra mikroqarz mablag'lag'i maqsadsiz sarflangan yoki maqsadsiz foydalanilgan deb topilsa.

9.4. Bank Shartnoma bo'yicha zarur bo'lgan hujjatlarni Qarz oluvchidan so'rab olishi va ushbu hujjatlar to'liq taqdim qilinmaganda mikroqarz mablag'larini ajratishni to'xtatib turishi mumkin.

X.TARAFLARNING JAVOBGARLIGI

10.1. Taraflardan biri Shartnoma bo'yicha o'z majburiyatlarini bajarmagan yoki lozim darajada bajarmagan taqdirda, aybdor Taraf ikkinchi Tarafga yetkazilgan zarar qismini qoplaydi va O'zbekiston Respublikasining Fuqarolik Kodeksiga, boshqa amaldagi qonun hujjatlariga va Shartnomaga muvofiq javobgar bo'ladi.

10.2. Qarz oluvchi Shartnomaga asosan Mikroqarzni qaytarish bo'yicha o'z majburiyatlarini bajarishni kechiktirgan taqdirda muddati o'tgan qarzдорlik summasiga har bir kechiktirilgan kun uchun qonunchilikda belgilangan tartibda javobgar bo'ladi.

10.3. Qarz oluvchi Shartnoma bo'yicha o'z majburiyatlarini bajarmagan yoki lozim darajada bajarmagan taqdirda yetkazilgan zararni to'liq miqdorda to'laydi.

10.4. Qarz oluvchining mikroqarz bo'yicha moddiy javobgarligi Mikroqarzning individual shartlari (**1-ilova**)da ko'rsatilgan ta'minot bilan cheklanmaydi.

10.5. Bank Mikroqarz berish majburiyatini bajarmaganda yoki o'z vaqtida bajarmaganda Qarz oluvchi oldida qonunchilikda belgilangan tartibda javob beradi.

10.6. Taraflar Shartnoma bo'yicha o'z majburiyatlarini bajarmaganligi yoki lozim darajada bajarmaganligi natijasida yetkazilgan zararni qoplash majburiyatni asl holida bajarishdan ozod qilmaydi.

10.7. Qarz oluvchi yoki u bilan munosabatga kirishgan shaxs hatti-harakatlari yuzasidan tegishli tashkilotlar tomonidan Qarz oluvchiga yoki u bilan munosabatga kirishgan shaxsga qo'llanilgan har qanday choralar, jumladan sanksiyalar (tegishli ro'yxatlar, OFAC, Yevropa Ittifoqining Mar va OFSI, SDN va CARTA sanksiyalari) shuningdek, sanksiyalar oqibatida vujudga keladigan har qanday turdagi zararlar uchun Bank o'z majburiyatlarini bajarganligi yoki lozim darajada bajarmaganligidan qat'iy nazar javobgar hisoblanmaydi.

10.8. Qarz oluvchining telefon raqami o'zgarganligi, ishlamaganligi yoki yangi raqamini Bankka taqdim qilmaganligi sababli Qarz oluvchiga SMS-xabarlar bormaganligi uchun Bank javobgar hisoblanmaydi.

XI.NIZOLARNI HAL ETISH

11.1. Shartnoma shartlarini bajarish jarayonida vujudga keladigan kelishmovchiliklar Taraflar o'rtasida muzokaralar yo'li bilan hal etiladi.

11.2. Taraflar kelishuvga erishmagan taqdirda va/yoki Qarz oluvchi nizoni sudgacha hal qilish yuzasidan talabnomada belgilangan muddatda ko'rsatilgan talablarni lozim darajada bajarmaganda, nizo O'zbekiston Respublikasining amaldagi qonun hujjatlariga muvofiq sudda ko'rib chiqiladi.

XII.SHARTNOMANING AMAL QILISH MUDDATI

12.1. Shartnoma Qarz oluvchi tomonidan akseptlangan kundan boshlab kuchga kiradi.

12.2. Shartnoma Taraflar o'z majburiyatlarini to'liq bajargunga qadar amal qiladi.

XIII. ANTIKORRUPSIYAGA OID SHARTLAR

13.1. Taraflar, ularning affillangan shaxslari, xodimlari yoki boshqa ishtirokchilari ushbu Shartnoma shartlarini bajarishda ikkinchi tomonning qaror qabul qilishiga ta'sir o'tkazish maqsadida bevosita yoki bilvosita pul mablag'lari qimmatliklar yoki xizmatlar taklif qilishi, berishi, taqdim etishi ta'qiqlanadi.

13.2. Taraflar, ularning affillangan shaxslari, xodimlari yoki boshqa ishtirokchilari ushbu Shartnoma shartlarini bajarishda qaror qabul qilishiga ta'sir o'tkazish maqsadida shartnomaning boshqa ishtirokchilari tomonidan bevosita yoki bilvosita pul mablag'lari, qimmatliklar yoki xizmatlar taqdim etish bo'yicha taklifini rad qilishi lozim.

13.3. Agar shartnoma Taraflarida ushbu shartnoma shartlarini bajarish bilan bog'liq korrupsion harakat sodir etilganligi to'g'risida ma'lumot, shubha, shubhaga asos bo'luvchi dalilga ega bo'lsa, bu to'g'risida ikkinchi Tarafga bunday harakat sodir bo'lgan kundan boshlab 5 (besh) ish kuni ichida yozma shaklda (yoki Bankning Komplayens-nazorat boshqarmasi boshlig'iga yoki Hududiy kompleks xizmatlar ko'rsatish markazi (bundan buyon matnda "HKXKM" deb yuritiladi) direktoriga aloqa kanallari yordamida) xabar berish majburiyatini oladi.

13.4. Xabarni olgan Taraf haqiqatan korrupsion harakat sodir etilmaganligini yoki sodir etilmasligi to'g'risida tasdiqqa ega bo'lguncha ushbu shartnoma bo'yicha o'z majburiyatlarini bajarishni to'xtatib turish huquqiga ega.

13.5. Ushbu bo'lim qoidalari Taraflardan biri tomonidan buzilganligi fakti tasdiqlanganda va/yoki boshqa Taraf qoidabuzarliklarni ko'rib chiqish haqida xabarnoma natijalari yuzasidan ma'lumot taqdim qilmagan taqdirda, boshqa Taraf Shartnomani bir taraflama qisman yoki to'liq bekor qilishga haqli.

13.6. Pora berish evaziga ikkinchi Taraf vakilini, affillangan shaxsini, xodimini Shartnoma shartlarini bajarishda o'ziga og'dirib olgan Taraf ikkinchi Tarafga yetkazilgan zararni qoplab berish majburiyatini oladi.

XIV.YAKUNIY SHARTLAR

14.1. Shartnoma elektron tarzda Mobil ilova orqali tuzilib, Qarz oluvchi tomonidan Mikroqarz ofertasini akseptlash orqali tasdiqlanadi va yozma ko'rinishidagi hujjatning yuridik kuchiga ega bo'ladi.

14.2. Shartnoma bo'yicha Taraflarning tartibga solinmagan munosabatlari O'zbekiston Respublikasining amaldagi qonun hujjatlariga muvofiq tartibga solinadi.

14.3. Taraflar o'rtasidagi xat-xabarlar quyidagi aloqa kanallari orqali amalga oshirilishi mumkin: Qarz oluvchining Bankka ma'lum bo'lgan manzillariga (rekvizitlariga) yozma shaklda jo'natish yoki Qarz oluvchining elektron pochta-siga, telefon raqamlariga, ijtimoiy tarmoqlardagi akkauntlariga xabar jo'natish yoki masofaviy xizmat ko'rsatish tizimlari orqali elektron xabar jo'natish.

14.4. Qarz oluvchi amalga oshirilgan to'lovlar va kredit qarz-dorligi miqdori (asosiy qarz, foiz va muddati o'tgan qarz-dorliklar) haqida, shuningdek Shartnoma bilan bog'liq boshqa holatlar bo'yicha uyali aloqa vositalari orqali SMS-xabarlar yuborilishiga Bankka o'z roziligini bildiradi.

XV.BANK MANZILI VA REKVIZITLARI

AT "Aloqabank"

Manzil: _____

MFO: _____

STIR: _____

Tel: _____

XVI.QARZ OLUVCHI MANZILI VA REKVIZITLARI

F.I.Sh.: _____

Manzil: _____

Pasport ma'lumotlari: _____

JShShIR: _____

Aksept kodi: _____

Aksept vaqti: _____

Telefon raqami: _____



Face ID

O'zbekiston Respublikasi Prezidentining
2026-yil 1-iyundagi PQ-210-sonli qaroriga
asosan jismoniy shaxslarga mikroqarz
ajratish bo'yicha OMMAVIY OFERTAgA
1-ilova

MIKROQARZNING INDIVIDUAL SHARTLARI

Mikroqarzning to'liq qiymati

_____ (_____) foiz
(miqdori) (so'z bilan)

Mikroqarz miqdori: _____ (_____) so'm.
(summa) (summa so'z bilan)

Mikroqarz muddati: _____ (_____) oy.
(muddat) (so'z bilan)

Mikroqarzni so'ndirishning oxirgi muddati: _____._____._____. yil.
(sana)

Mikroqarz valyutasi: O'zbekiston Respublikasining milliy valyutasi;

Mikroqarz bo'yicha foiz stavkasi: Yillik _____ (_____) foiz.
(miqdori) (miqdor so'z bilan)

Mikroqarzdin foydalanganlik uchun foiz stavkasi turi taraflarning kelishuviga ko'ra: o'zgaruvchan (Markaziy bankning asosiy stavkasi pasaygan taqdirda, Mikroqarzning foiz stavkasi mutanosib ravishda kamayadi, oshgan taqdirda esa, mutanosib ravishda oshadi).

Mikroqarz bo'yicha to'lovlarni to'lash sanasi: har oyning _____ sanasigacha.
(sana)

Mikroqarzni ajratish shakli: Qarz oluvchining nomiga emissiya qilingan xxxx xxxx xxxx xxxx raqamli bank kartasiga o'tkazib berish yo'li orqali.
(karta raqami)

Mikroqarz mablag'i maqsadi: _____.
(mikroqarz maqsadi)

Mikroqarzni qaytarish usuli: Shartnomaga ilova qilingan differensial/annuitet usulda hisoblangan to'lov grafigiga muvofiq.

Mikroqarz ta'minoti: [XXXXXXXXXX XXXXXXXXX XXXXXXXXXning kafilligi / Mikroqarzning qaytmaslik xataridan "XXXXXXXXXX" sug'urta kompaniyasining sug'urta polisi]
(ta'minot nomi)

Mikroqarzning to'liq qiymati _____ (_____) foizni tashkil qiladi
(miqdori) (miqdor so'z bilan)

va u quyidagi to'lovlarni hisobga olib hisoblanadi:

a) Mikroqarzning asosiy qarzi – _____ (_____) so'm, ____ tiyin;
(summa) (summa so'z bilan)

b) Foizlar bo'yicha to'lovlar – _____ (_____) so'm, ____ tiyin;
(summa) (summa so'z bilan)

c) Sug'urta to'lovlari – _____ (_____) so'm, ____ tiyin;
(summa) (summa so'z bilan)

d) Garov mulkini baholash bo'yicha to'lovlar – _____ (_____) so'm, ____ tiyin;
(summa) (summa so'z bilan)

e) O'zbekiston Respublikasi Adliya vazirligida 2018-yil 2-iyulda 3030-son bilan ro'yxatga olingan "Bank xizmatlari iste'molchilari bilan o'zaro munosabatlarni amalga oshirishda tijorat banklarining faoliyatiga qo'yiladigan minimal talablar to'g'risida"gi Nizomning 1-ilovasiga asosan boshqa to'lovlar – _____ (_____) so'm, ____ tiyin.
(summa) (summa so'z bilan)

F.I.Sh.: _____

Manzil: _____

Pasport ma'lumotlari: _____

JShShIR: _____

Aksept kodi: _____

Aksept vaqti: _____

Telefon raqami: _____



*O'zbekiston Respublikasi Prezidentining
2026-yil 1-iyundagi PQ-210-sonli qaroriga
asosan jismoniy shaxslarga mikroqarz
ajratish bo'yicha OMMAVIY OFERTAgA
2-ilova*

MIKROQARZNI QAYTARISH GRAFIGI (Namuna)

Ushbu mikroqarzni qaytarish javdali ofertaning ajralmas qismi hisoblanadi.

Mikroqarz summasi **5 000 000 UZS**
Mikroqarz yillik foizi **26,00%**
Mikroqarz muddati (oy) **12**
Asosiy qarz bo'yicha imtiyozli davr (oy) **3**
Foiz to'lovlari bo'yicha imtiyozli davr (oy) **3**

MFO: **00401**
To'lov ID kodi: **xxxxxxxxxxx**

T/r	To'lov sanasi	Mikroqarz qoldig'i summasi	Asosiy qarzni qaytarish	Mikroqarz foizi	Imtiyozli davrda hisoblangan foiz to'lovining qaytishi	Bir oylik jami to'lov
				26%		
1	15.03.2024	5 000 000,0	0	0	0	0
2	15.04.2024	5 000 000,0	0	0	0	0
3	15.05.2024	5 000 000,0	0	0	0	0
4	15.06.2024	3 750 000,0	416 666,7	82 808,2	2 808,2	499 474,9
5	15.07.2024	3 333 333,3	416 666,7	71 232,9	2 808,2	487 899,5
6	15.08.2024	2 916 666,7	416 666,7	64 406,4	2 808,2	481 073,1
7	15.09.2024	2 500 000,0	416 666,7	55 205,5	2 808,2	471 872,1
8	15.10.2024	2 083 333,3	416 666,7	44 520,5	2 808,2	461 187,2
9	15.11.2024	1 666 666,7	416 666,7	36 803,7	2 808,2	453 470,3
10	15.12.2024	1 250 000,0	416 666,7	26 712,3	2 808,2	443 379,0
11	15.01.2025	833 333,3	416 666,7	18 401,8	2 808,2	435 068,5
12	15.02.2025	416 666,7	416 666,7	9 200,9	2 808,2	425 867,6
JAMI:			5 000 000,0	702 831,1	25 273,8	5 702 831,1

F.I.Sh.: _____

Manzil: _____

Pasport ma'lumotlari: _____

JShShIR: _____

Aksept kodi: _____

Aksept vaqti: _____

Telefon raqami: _____

